

stinguenda sunt tempora, & concordabit intentio LVTHERI,
& aliorum recte sentientium.

§. IV. Hinc (IV.) etiam *ex prudentia Reformatorum*, ac
sigillatim LVTHERI *theologica*, qui nunquam templa, ut loca
cultui publico destinata, in iisque sobrie ac prudenter con-
servatas ceremonias indifferentes, cum vera & ipsa Ponti-
ficum idololatria deleri & extirpari voluit, laudavit potius,
teste M A T T H E S I O l. c. Conc. XII. p. 141. Principes Anhali-
nos Serenissimos, eo tempore regentes, qui ceremonias ex
sua natura non superstitiones, nequaquam voluerunt penitus
abrogare, sic enim existimavit: *Diejenigen kennen warlich das
Pabstthum nicht recht, so allein die Ceremonien anfechten, und
wollen ihr Evangelium mit Abwerffung der ungefährlichen Kir-
chen-Gebräuche bestätigen.* Imo (V.) denique *ex ipsius Lutheri
praxi*, frequentavit quippe sedulo ac diligenter templa, nec
ab eis se unquam separavit, hoc enim, quod LVTHERVS
posterioribus annis morbo, aliisque gravissimis causis impe-
ditus, interdum facere coactus est, non ex destinato consilio,
& aliquo contemptu, sed aliis rationibus provenit. Con-
cionatus quidem est LVTHERVS intra privatos suos parie-
tes domesticis, sed non cum neglectu cultus ordinarii publi-
ci, quem ad Ecclesiae ordinem summe necessarium esse ju-
dicavit.

PRAEIVDICIVM XII.

*Sacramentorum necessitatem, dignitatem & au-
toritatem impugnasse.*

§. I. Maxima adhuc Fanaticorum est impietas, quam
in oppugnandis salutis mediis, divinitus institutis, ostendunt.
Ut autem in plerisque Lutherum sibi patrocinari, asseverare
non dubitant, ita imprimis ex ejus instituta Reformatione,
innocentissima quaeque, interdum autem plane aliena, de-
sumunt & emendicant. ARNOLDVS iterum instar omni-

G

um